



## QUARTA LINGUA

A la radunanza generala da la Quarta Lingua (QL) dals 16 da mars 2016 èn tut las propostas da la suprastanza vegnidas acceptadas. Er il quint annual cun in surpli d'expensas da stgars CHF 9000.– ha strusch dà motiv da far dumondas. Ultra d'in retgav da vaglias pli pitschen èn stads d'impurtanza ils custs pli auts per recutar novs commembers. Il dumber da commembers e donaturs è persuerter s'augmentà da 300 l'onn precedent sin 315.

Il program accompagnant da la radunanza generala avain nus deditgà ad Alfons Tuor (1871-1904). Cun extracts da texts e fotografias ha Renzo Caduff dà a nus in'invista cumpacta en la curta vita e la ritga ovra dal liricher e satiricher da la Surselva. Renzo Caduff, referent a l'Universitad da Turitg, ha rendì accessibel da nov l'ovra poetica cumpletta dad Alfons Tuor sco ediziun commentada – tranter auter cun il sustegn da la QL.

Mo paucas emnas suenter la radunanza generala, a la quala Toni Killias è stà preschent, è el mort nunspetgadamain. El ha presidià la QL ils onns 2000-2008. Cun sia extrada da la suprastanza a chaschun da la radunanza generala il 2009 ha el survegnì il titel da commember d'onur. Toni Killias è er ils onns sequents s'engaschè per la QL e ses interess. Ils buns contacts da Toni Killias han era gidà da metter en pe il curs da rumantsch per uffants a Turitg. Cun 15 uffants (l'onn precedent 11) ha cumenzà la fin d'avust il terz onn da curs. La fin dal 2016 eran anc tuts 15 da la partida.

Tenor sia incumbensa da promoziun statutara ha la QL approvà durant l'onn da rapport las suandantas dumondas da sustegn cun in total da CHF 18'000.–:

- Pascal Gamboni/Rees Coray: DC «Pascal e Rees», R-tunes (CHF 1000.–)
- Giganto (Ivo Orlik) e Mattiu: DC, R-tunes (CHF 1000.–)
- Chor Viril Baselgia Savognin: producziun «La veia dalla Crousch» (CHF 1000.–)
- Mario Pacchioli: REMAS, poesias messas en musica sin DC cun cudesch (CHF 2000.–)
- Benedetto Vigne: «Diari giapunais», poesias en rumantsch grischun illustradas da Pia Valär (CHF 1000.–)
- Dis da Litteratura a Domat ils 4 – 6-11-16 (CHF 2000.–)
- Ursin Lutz: dissertaziun davart Balthasar G. Vincenz «Meum Scret» (CHF 1000.–)
- Clà Riatsch: cudesch «Pathos und Parodie. Inversionslagen in der bündnerromanischen Literatur» (CHF 1000.–)
- Gianna Olinda Cadonau: cudesch da poesias biling (CHF 1000.–)
- Arnold Spescha: cudesch da poesias biling (CHF 1000.–)
- Annetta Ganzoni: «Andri Peer, Prosa 1945–1986» (CHF 1500.–)
- Uniun rumantscha Grischun Central: «Il tgavrer – il capraio – Der Geisshirt», raquint autobiografic da Gion Antona Candreia (CHF 500.–)
- Chasa Editura Rumantscha: versiun rumantscha da «Globi en il Parc Naziunal» (CHF 1000.–)
- Mevina Puorger: reediziun da la grammatica «Vierv ladin» (CHF 1000.–)
- Corin Curschellas: DC «La nova» cun 17 chanzuns rumantschas (CHF 1000.–)
- Bianca Mayer/Bibi Vaplan: «E la culur dals plets», cudesch cun DC (CHF 1000.–)
- Casper Nicca: versiun cinematografica dad «Il davos pur» (CHF 2000.–)

La suprastanza è sa radunada l'onn da gestiun per trais sesidas ordinarias. A la radunanza da delegads da la Lia Rumantscha (LR) a Lavin han Petra Camathias e Kaspar Silberschmidt represchentà la QL. Per discutir las perspectivas dal curs da rumantsch per uffants èn Barbara Cuffaro e Kaspar Silberschmidt sa scuntrads cun la LR a Cuira.

## Suprastanza

Co-presidenta	Bettina Berther Desax
Co-president	Kaspar Silberschmidt
Actuar	dr. Linus Bühler
	dr. Petra Camathias
	Barbara Cuffaro
	Nathalie Killias
	Barbara Kürz
	Madlaina Peer
	Ivo Zen